

Provedador sora le vendete.

Sier Andrea Loredam, fo patron a l'arsenal,
quondam sier Nicolò.

Provedadori, executori etc.

Sier Simon Guoro, fo provedador in ar-
mada, *quondam* sier Zusto. 80.17
Sier Domenego Malipiero, fo provedador
in armada, *quondam* sier Francesco . 61.30

79 *A di 16 octubrio.* Zonseno a Lion li oratori fiorentini, dove si aspeta l'archiduca di Bergogna, el duca di Barbom, el duca di Lorena, il duca di Savoia, el marchese di Monfera' e il principe di Orangie, qual poco poi morse.

A di dito. Zonseno a Verona 3 oratori ungarici vanno in Franza, *videlicet* episcopo *mitriensis*, domino Stefano et domino Zorzi Bohemo.

Di Hongaria. Si ave, el ducha di Lituani aversi fato re di Polana in loco dil fratello morto.

A di 29. In quarantia fo condanà la commesaria fo dil doxe Barbarigo morto, per el piedar de li inquisitori Grimani e Loredam, ducati 900, per una botega abuta dal sal per ducati 10, qual pagava ducati 50 a l'anno di fito.

Intisi, che a Rodi era stà fato conseio; e il gran maistro propose, e fu ottenuto, tutti quelli cavalieri jerosolimitani erano contenti dar l'intrade di uno anno per far armada.

È da saper, che sier Zorzi Corner, el cavalier venuto a Verona a la soa capetaniaria, mandò la soa relatione *in scriptis* a la Signoria e il conto di la spexa. E par, oltra uno presente donò al cardinal Roan di cristalini e altro per ducati, *etiam* in spexe, perchè havia menà più numero di quello poteva per la fameja menar, spexe ducati 700 in zercha. Or fo voluto meter la parte, per il colegio, di farli boni diti danari. Sier Piero Capello, *quondam* sier Zuan, provedador, contradise. Li rispose sier Andrea Cabriel, savio dil consejo, et non fo balotado la parte. Or poi esso sier Zorzi mandò a far un presente a la Signoria di tal summa, atento li gran beneficij auti; et più non fo messo tal parte.

In questo tempo morite in Reame monsignor di Beuchayro, era vice re a Napoli; à de intrada ducati 50 milia e uno palazzo, val ducati 40 milia.

Item, a Mantoa, za un mexe, achadete, cossa notanda, che havendo il marchese assa' cavali bellis-

simi, *nescio qua causa*, o fosseno atosicati o che, ne moriteno per numero, che fo di gran compassione. Fo dito fu il suo maistro di stalla che li tosegò; el qual fuzite di Mantoa.

A di dito. Fo electo savio dil conseio, in luogo de sier Nicolò Trivixan, procurator, che non introe, sier Nicolò Michiel, dotor et cavalier, procurator, qual più non fu; e intrò.

E a di 20. Fono electi savij a tansar, sier Nicolò da Pexaro, fo provedador in armada, sier Zuan Bembo, fo di pregadi, sier Hironimo Tiepolo, fo console in Alexandria, sier Batista Morexini, fo avogador, sier Michiel da Leze, fo di pregadi, sier Nicolò Ferro, fo di pregadi, sier Francesco Venier, fo capetanio a Zara, sier Francesco Querini, fo retor e provedador a Cataro, sier Alvise Malipiero, fo di pregadi, *quondam* sier Stefano, procurator, e sier Lorenzo di Prioli, fo provedador al sal.

A di ultimo octubrio. Fu posto parte, per consieri, il retor, il provedador da esser electo a Napoli di Romania habi ducati 300 neti a l'anno. La qual parte fu presa a di 29 in pregadi. Ave 3 non sinceri, 82 di no, et 790 de si. E fu presa.

Nota, a di 15 octubrio comparse in colegio sier Hironimo Donado, dotor, electo orator al re di Franza, dicendo voler andar, e refuda il benefitio si suol dar a quelli vanno oratori a teste in corona, per poter esser nominato in questo tempo il starà in la legatione; et cussi fo fato nota in notatorio 23.

Dil mexe di novembrio 1501.

80

A di 4. El principe fece pasto a li 41, di quelli do erano za morti, *videlicet* sier Antonio Valier e sier Lorenzo Bernardo. Et è da saper, per li tre inquisitori contra el doxe, *videlicet* sier Lunardo Grimani e sier Antonio Loredan, el cavalier, perhò che 'l Trun non volse intrar, fo mandato a tuor a caxa di sier Zorzi Nani, fo zenero dil doxe, li arzenti; di qual si dice el doxe presente ne comprerà bonna summa, per esser ubligato aver arzenti per ducati 3000.

In questo zorno zonse qui Jacomo Memo, di sier Michiel, bastardo, stato prexon a Constantino-poli, e reschatato. Per il qual se intese la certeza, perchè lui à veduto decapitar el di di la Madona sier Marco Cabriel, fo castelam e provedador a Modon; e questo per caxom che 'l zeneral à fato morir uno turcho prexe, era homo molto reputato.

A di 6. Se have lettere di 13 et 24 octubrio da Buda di sier Sabastian Zustignan, el cavalier, orator